
1★ سائینس تے تکنیک غا وزیر مملکت ڈاکٹر جتندر سنگھ نے کہیو ہے جے حال ہی مانہ منظور شدہ با یو ای 3 بھارت غی سبز تے اقتصادی ترقی مانہ اہم کردار ادا کرے گی۔

2★ نائب وزیر اعلیٰ سریندر کمار چودھری نے شاہراں با رے اہم پروجیکٹاں مانہ ویلے سر مکمل کرن ور زور دتو ہے۔

3★ ایس جی آئی غا پروجیکٹ منیجر غو کہنو ہے جے راجو ری نو شہارہ شاہراہ ور کم مکمل ہون غے قریب ہے تے اس شاہراہ غی تعمیرتوں بعد سرحدی علاقاں مانہ ترقی تے سیر سفاح مانہ بابدو وے گو۔

4★ تے پلوامہ ضلع غا ترال علاقہ مانہ دہشت گرداں نے اُتر پردیش غا رہن آلا اک مزدور مانہ گو لی مار غے زخمی کر دتو ہے۔ یا د رہ جے گذریا اس ہفتہ مانہ کشمیر اندر غیر مقامی مزدوراں ور یوہ تیجو حملو ہے۔

Jitendra Indo Germany

سائینس تے تکنیک غا مرکزی وزیر مملکت ڈاکٹر جتندر سنگھ نے کہیو ہے جے حال ہی مانہ منظور شدہ با یو ای 3 پالیسی بھارت غی سبز تبدیلی تے اقتصادی ترقی مانہ اہم کردار ادا کرے گی۔ یا د رہ جے با یو ای 3 غو مقصد مُلک پہر مانہ اعلیٰ کا کر دگی آلا با یو مینفکچرنگ مانہ فروغ دینو ہے۔ اج نوی دہلی مانہ بند جرمن سائینس تے تکنیکی تعاون غی گو لڈن جُہلی غی تقرب سنگ خطاب کرتاں واں وزیر نے کہیو ہے مہا ری حکومت غے تحت مُلک نے سائینس تے تکنیک غا شعبہ مانہ بڑی ترقی کی ہے تے بھارت نے خلائی میدان مانہ حال ہی مانہ قابل ذکر کا رنامو حاصل کیو ہے۔ وزیر موصوف نے مزید کہیو ہے بھارت تے جرمنی دو طرفہ تعلقات مانہ مضبوط بنان خاطر رَل غے کم کریں گا تے بھارت نے سٹارٹ اپ غا اس میدان مانہ دُنیا پہر مانہ تیجو بڑو مقام حاصل کیو ہے۔ واضع رہ جے بند جرمن سائنس تے تکنیکی تعاون با رے یاہ پہل دوباں مُلکاں غی مشترکہ کوشش ہے تا نچے حکومت تعلیمی اداراں تے صنعتاں بشکا ر ٹھوس بات چیت غا موقع فراہم کر سکے۔

Dy CM R&B Meet

نائب وزیر اعلیٰ سریندر کمار چودھری نے گذشتہ کل افسراں مانہ کہیو ہے وے بکھ بکھ علاقاں مانہ لوکاں غی ضرورتاں مانہ پورو کرن مانہ یقینی بناویں۔ اُنہاں نے افسراں مانہ کہیو ہے دھوکہ دہی تے بدعنوانی کرن آلاں مانہ بالکل وی برداشت نہ کیو جائے۔ گونا ٹب وزیر اعلیٰ نے یاہ گل آر اینڈ بی غی اک جائزہ میٹنگ سیول

سیکریٹریٹ سرینگر مانہہ صدارت غے دوران کی۔ جناب سریندر کمار نے مزید کہیو جے زمینی سطح ور جا غے لوکاں کولوں رائے وی لی جائے تانجے سرکار غی طرفوں چایا گیا اقدام نانہہ مزید بہتر کیو جا سکے۔ اُنہاں نے مزید کہیو جے جھیڑو وی کم زمینی سطح ور کیو جائے وہ معیار ی بونو چاہیے تے کم غا معیار ور کوئی وی سمجھوتو نہیں بونو چاہیے۔ اُنہاں نے کم کران آلا افسراں نانہہ کہیو جے کم کران واسطے جھیڑا اصول بنایا گیا ہیں اُن غے مطابق ہی کم کراویں تے جھیڑا ان ضابطاں غی خلاف ورزی کریں گا اُن غے خلاف سخت کاروائی عمل مانہہ آئی جائے۔ نائب وزیر اعلیٰ نے مزید کہیو جے قومی شاہراہ تے مغل سڑک غی مرمت کرن غا کم نانہہ وی یقینی بنایو جائے۔

Rana Tribal

قبائلی امور غا وزیر جا وید احمد رانا نے جا تے روز محکمہ قبائلی امور غا تعارف بارے اک میٹنگ کی۔ جس مانہہ اُنہاں نے جموں کشمیر غی قبائلی آبا دی غی بہتری خاطر محکماں غی کارکردگی غو جائزو لیو۔ وزیر موصوف نے ذراعت، باغبانی، ڈیری تے بھیڑ بکری غی ترقیات بارے محکماں سنگ جڑی مزید اسکیمیاں غی نشاندہی ور وی زور دتو۔ جھیڑو جے قبائلی نوجواناں واسطے روزگار پیدا کرن غا دائرہ نانہہ وسیع کرے۔ اس غے نال جناب جناب جا وید رانا نے قبائلی علاقہ سیر و سفاح نانہہ فروغ دین خاطر حمایت کی تے اُت سیلانیان واسطے رہائش تے باقی بنیادی ڈھانچہ ور وی لو کھلی۔ اس غے نال نال اُنہاں نے ایکلیوا ماڈل رہائشی اسکولاں غا قیام خاطر پیش رفت غو جائزو لیو۔ اُنہاں نے آبادی غی مجموعی ترقی خاطر دیگر علاقہ غی وی نشاندہی کی جت ایسا سکولاں غی خاصی لوڑ ہے۔ یاد رہے جے قبائلی امور غا وزیر جاوید رانا نے محکمہ نانہہ بدائیت جاری کی جے وہ آن آلا ہفتہ مانہہ جن جاتیہ گورو دیوس منان خاطر مربوط کوشش کریں تے نال ہی قبائلی خانداناں واسطے باؤسنگ کالونی تے فلیٹس بنان غا انتظامات نانہہ ترجیح دتی۔

PM Pali Discussion

وزیر اعظم نریندر مو دی نے اج کہیو ہے جے پالی بولی نانہہ قدیم زبان غو درجو دین واسطے حکومت غا اُس فیصلہ توں بھگوان بُدھ ور یقین رکھن آلا لوکاں مانہہ خوشی دیکھی گئی ہے۔ کولمبو سری لنکا مانہہ بھارتی بائی کمیشن غی اک سوشل میڈیا پوسٹ غو جواب دیتاں واں جناب مو دی نے کہیو جے وے مختلف ممالک غا تحقیق کاراں غا شکر گزار ہیں جنہاں نے سری لنکا غی راجدھانی مانہہ پالی بطور قدیم زبان غا بنایا گیا پینل مانہہ بحث مانہہ حصو لیو۔ قابل ذکر ہے جے اس بحث مباحثہ مینل غا رکھن غو کم انڈین کو نسل فار کلچرل رلیشن نے کیو تھو۔

PM ITBP

وزیر اعظم نریندر مو دی نے آئی ٹی بی پی غا یوم تا سیس غا موقع ور آئی ٹی بی پی ہم ویر تے اُن غا کُنہ نانہ مبارکبا د پیش کی ہے۔ اپنا اک سماجی میڈیا پوسٹ مانہ جناب مو دی نے کہیو ہے جے آئی ٹی بی پی لوکاں غی حفاظت واسطے بہا دری تے لگن سنگ انتہا ئی مشکل علاقہ تے سخت مو سمی حالات مانہ چٹان بن غے کھلی رہ۔ وزیر اعظم مو دی نے آئی ٹی بی پی غا جواناں غی تعریف کرتاں واں کہیو جے آئی ٹی بی پی غا جوان قدرتی آفات غے ویلے بچاؤ کا روائی چلا غے لوکاں نانہ بچاویں جھیڑی جے لوکاں واسطے اک فخر آلی گل ہے۔

PM Mann Ki Baat

وزیر اعظم نریندر مو دی 27 اکتوبر نانہ آکاشوانی ور من کی بات پروگرام مانہ ملک تے بیرون ملک مانہ رہن آلا بھا رتیہ افراد سنگ اپنا خیالات سانجا کریں گا۔ یوہ اُن گو ماہانہ ریڈیو پروگرام غی 115 ویں قسط ہے۔ لوک اس پروگرام واسطے اپنا نظریہ تے رائے ٹول فری نمبر 1800117800 ور دین توں علا وہ وے اپنی رائے آن لائن نریندر مو دی ایپ یاہ ما ئی گوو اوپن فورم ور وی دے سکیں۔ یاد رہ جے اس پروگرام واسطے لوک اپنی رائے اس مہینہ غی 25 تا ریخ تک آن لائن جمع کراسکیں۔ قابل ذکر ہے جے وزیر اعظم مو دی گو یوہ پروگرام آکاشوانی، دوردشن، اے آئی آر نیوز ویب سائٹ تے نیوز آن ائر مو بائیل ایپ ور نشر ہون توں علا وہ اے آئی نیوز یوٹیوب چینل، ڈی ڈی نیوز ور وی نشر کیو جائے گو۔ آکاشوانی اس پروگرام نانہ بندی زبان مانہ نشر کرن توں بعد علاقائی زبانان مانہ وی نشر کرے گو۔

Rajouri Nowshera NHW

راجو ری نو شہراہ شاہراہ ور کم مکمل ہون غے قریب ہے تے شاہراہ تعمیر غے بعد رابطہ نانہ فروغ دے غے سرحدی علاقہ غی ترقی غی خاطر فائدہ مند ثابت وے گی۔ ایس جی آئی غا پروجیکٹ منیجر اشون استاپک نے دسیو ہے جے اس شاہراہ غی تعمیر غے بعد سرحدی علاقہ غی ترقی غے نال نال سیر سفاح مانہ وی بابدو وے گو۔ اُنہاں نے دسیو جے یاہ سڑک جموں نانہ ضلع پونچھ سنگ جوڑے تے ضلع راجو ری گا بتھنی گراں مانہ اک وائر ڈکٹ فلائی اوور بنایو جا ریو ہے۔ جھیڑو قریب 350 میٹر ہے تے یوہ فاصلہ نانہ کہٹوں کہٹ 2 کلو میٹر کہٹ کرے گو۔ اُنہاں نے مزید کہیو جے یہ تمام سرحدی علاقہ سیر سفاح خاطر دریافت نہیں ہوا تھا۔ تے ہُن سڑک غی تعمیر غے بعد ان علاقہ نانہ فروغ ملے گو۔ اُن گو یوہ وی کہنوتھو جے 5 توں 6 مہیناں غے اندر اندر اس شاہراہ غا فلائی اوور ور گڈی چلتی نظر آویں گی۔

Tral Terror Attack

وادی کشمیر غا ضلع پلوامہ غا ترال علاقہ مانہہ اچ سویرے دہشت گرداں نے اُتر پردیش گا اک مزدور نانہہ اپنی گولی گو نشانو بنایو ہے۔ جس فرد نانہہ دہشت گرداں نے اپنی گولی گو نشانو بنایو اُس گو ناں شبہم کمار ہے جھیڑو جے یوپی بجنور غو بسنیکہ ہے۔ دسیو گیو ہے جے یوہ مزدور باٹا گنڈ گراں مانہہ اس ور گولی ماری گئی ہے۔ قابل ذکر ہے جے گذشتہ اک ہفتہ مانہہ کشمیر مانہہ غیر مقامی مزدوراں ور یوہ تیجو حملو ہووے۔ اس توں پہلاں اتوار آلے تہاڑے ضلع گاندر بل مانہہ 6 غیر مقامی مزدور تے اک مقامی ڈاکٹر غی جان دہشت گرد حملہ مانہہ چلی گئی تھی تے 18 اکتوبر نانہہ بہار غا مزدور غی وی اسے طرح غا دہشت گرد حملہ مانہہ جان چلی گئی تھی۔

United Nation Day

اقوام متحدہ غا قیام با رے عالمی تہاڑو اچ منایو جا ریو ہے تے یوہ دن اقوام متحدہ غا باضابطہ قیام غی یا د نانہہ تازو کرے۔ یا د رہ جے اقوام متحدہ اک بین القوامی تنظیم ہے۔ جھیڑی بین القوامی سفارتکاری انسانی ہمدردی غی کا وشاں تے عالمی ترقی مانہہ اہم کردار ادا کرے۔ اقوام متحدہ دوجی جنگ عظیم توں بعد 1945 مانہہ قائم ہوئی تھی۔ تے ہر سال 24 اکتوبر نانہہ اس دن غی یا د گار غا طور ور منایو جا ئے۔ قابل ذکر ہے جے 25 اپریل 1950 مانہہ 50 سرکاری نمائندہ نے سن فرانسکو مانہہ اکھٹا ہوئے اقوام متحدہ غو خاکہ تیار کیو تے اس خاکہ نانہہ 25 جون نانہہ اپنایو گیو تھو تے بعد مانہہ اس خاکہ نانہہ 24 اکتوبر نانہہ اقوام متحدہ غا قیامی تہاڑو ور نافذ کیو گیو۔

World Polio Day

اچ پولیو با رے عالمی تہاڑو منایو جا ریو ہے۔ یوہ تہاڑو پولیو غا خاتمہ خاطر عالمی کوششاں ور لو کہلے۔ یاد رہ پولیو اک متعدی مہلک بیماری ہے جھیڑی بنیادی طور ور بچاں نانہہ متاثر کرے۔ قابل ذکر ہے جے پولیو عالمی تہاڑا 2024 غو موضوع ”ہر بچہ توڑی پجن غو عالمی مشن“ رکھیو ہے۔ واضع رہ جے یوہ دن پولیو غا قطرہ پلان غی اہمیت نانہہ اُجاگر کرے تانجے بچاں نانہہ اس تباہ کن بیماری توں بچایو جا سکے۔ پولیو غو عالمی تہاڑو 24 اکتوبر نانہہ منایو جا ئے جھیڑو کہ جو نس سالک غو پیدائشی دن ہے جھیڑو پولیو غی ویکسین بنان آلو پہلو شخص ہے۔

Govt Sardar patel

بھارت سرکار نے اعلان کیو ہے جے سردار پٹیل غی 150 ویں جینتی ور مُلک پھر مانہہ 2 سالہ جشن غو سلسلو اس سال توں شروع وے گو۔ سرکار نے یوہ فیصلو سردار پٹیل غی یا دگار خدمت نانہہ خراج عقیدت پیش کرن واسطے لیو گیو ہے۔ مرکزی وزیر داخلہ

امت شاہ نے کہیو ہے جے یوہ جشن سردار پٹیل غی نمایاں کا میابیاں تے اتحاد غا جذبہ غو ثبوت بنے گو۔ جناب شاہ نے کہیو جے دُنیا غی سب توں مضبوط جمہوریتاں وچوں اک گا قیام غے پچھے اُن غو ہتھ ہے۔ اُنہاں نے مزید کہیو جے بھارت نانہہ اک کرن واسطے کشمیر توں لے غے لکشدیپ توڑی سردار پٹیل غو اہم رول ہے۔

Gadkari Road

قومی شاہراں تے ٹرانسپو رٹ غا مرکزی وزیر تنن گڈکری نے کہیو ہے جے سرکار سڑکاں غی حفاظت غا ماحولیاتی نظام مانہہ جدید ٹیکنالوجی جس مانہہ مصنوعی ذہانت نظام شامل ہے اُس نانہہ لاگو کر رہی ہے۔ اج نوی دہلی مانہہ ٹریفک انفراسٹرکچر ایکسپو غا 12 واں شمارہ سنگ خطاب کرتاں واں اُنہاں نے کہیو جے سڑکاں غی تعمیر کرن مانہہ جدید ترین ٹیکنالوجی غو استعمال کیو جا ئے۔ جناب گڈکری نے مزید کہیو جے حکومت باصلاحیت انجینئراں غی حوصلہ افزائی کر رہی ہے جے وے سڑکاں غی تعمیر کرن مانہہ اپنا بہترین طریقاں گو استعمال کرے۔
